



UPA 2016/99
Michael Rosing

Nunatsinni aatsitassat uran-imik akullit aamma qingornernik ulorianartunik akullit allat piarneqalissagaluarpata aatsitassat sinnikuinik mingunnaqisunik nunatsinni eqqaaveqartinneqarsinnaanerisa inerteqqutaalersinnissaat siunertaralugu Naalakkersuisut suliniuteqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)
(Siullermeernera)

Qaqqani aatsitassanik qalluinigut tamaasa aatsitassat sinnikoqartarput toqqortassanik. Avaqquneqarsinnaanngigajappoq tamanna. Aatsitassanik uranitalinnik qalluigutta imaluunniit allanik ulorianartunik qingornilinnik pinngitsoorata aatsitassanik ulorianartunik qingornilinnik toqqorsisussaavugut.

Ungulli paasinnittaaserput naapertorlugu aatsitassat ulorianartunik qingornillit aamma allat aatsitassat avatangiisinut ulorianartut tunngaviumik assigiinngissuteqanngillat.

Tamatigut VVM sananeqartartussaavoq (Avatangiisinut Sunniutit Nalilersorneri) aatsitassarsiornissaq piviusunngortinnagu. Naliliinermi tassani aamma ilaapput sinnikut qingorneqarnersut ulorianartunik.

Aatsitassat ulorianartunik qingornillit taamaasillutik ullumikkut atuuttumi aatsitassat pillugit inatsimmi ilaareerput taamaattumik pisariaqanngilaq aatsitassat ulorianartunik qingornillit immikkut malittarisassiuunneqarnissaat.

Taamaattumik siunnersuutip matuma itigartinneqarnissaa inassutigaarput.